



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS

SISWATI LULWIMI LWASEKHAYA (HL)

LIPHEPHA LESITSATFU (P3)

2017

EMAMAKI: 100

SIKHATSI: Ema-awa 2½

Leliphepha linemakhasi la-5.

TICONDZISO KULABAHLOLWAKO

1. Leliphepha lehlukaniswe TIGABA LETIMBILI:

SIGABA A: Indzaba (50)
SIGABA B: Ematheksthi emibhalombiko (2 x 25) (50)

CAPHELA: Bahlolwa balindzeleke kutsi baphendvule imibuto LEMIBILI ESIGABENI B.

2. Phendvula MUNYE umbuto ESIGABENI A, MIBILI ESIGABENI B.
3. Bhala TONKHE timphendvulo ngeSiswati.
4. Cala LESO NALESO SIGABA ekhasini LELISHA.
5. Hlela (Sib. libalavemcondvo, umdvwebo, ifloshadi, tinhombamagama, njll.) uphindze uhlunge emaphutsa emsebentini wakho. Cala ngeluhlaka NGEMBIKWEKUBHALA indzaba.
6. Luhlaka aluvetwe ngalokucacile. Dvweba umugca lovundlile etikweluhlaka.
7. Siphakamiso sekulawulwa kwesikhatsi:

SIGABA A: Lokungenani imizuzu le-80
SIGABA B: Lokungenani imizuzu le-70 (2 x 35)
8. Tinombolo tetimphendvulo atihambisane naleto letisephepheni lemibuto njengobe tinjalo.
9. Sihloko asingabalwa nakubalwa linani lemagama.
10. Bhala ngebunono nangesandla lesifundzekako.

SIGABA A: INDZABA**UMBUTO 1**

Bhala indzaba NGASINYE saletihloko le-6 letilandzelako ibe ngemagama langabi ngaphasi kwala-340 aphindze angabi ngetulu kwala-390. Nangabe ukhetse sitfombe, indzaba yakho yinike sihloko.

- 1.1 Mhla ngicala ngca kuya etinkhundleni tetemidlalo. [50]
- 1.2 Intfutfuko longayiletsa emmangweni wangakini nawungaba ngusomabhizinisi lomkhulu. [50]
- 1.3 Kwephuta kwebafundzi kwenta ticelo tekuyewufundza etikhungweni temfundvo lephakeme emva kwamatekulejeni, kubavimbela ematfuba ekuchubeka nemfundvo. Utsini umbono wakho? [50]
- 1.4 Kuyajabulisa kubuye kudzabukise kuphila etikhatsini talomuhla. [50]
- 1.5 Nginje, nje, nje lomuhla, ngenca yekuyekeliswa sikolo. [50]
- 1.6 Khetsa SINYE sitfombe kuletilandzelako bese ubhala ngaso indzaba. Indzaba yakho kufanele ihambelane nalesitfombe losikhetsile. Nika indzaba yakho sihloko.

1.6.1

[Itsetfwe: www.sodahead.com]

[50]


1.6.2



[Itsetfwe: www.wisegeek.com]

[50]

1.6.3



[Itsetfwe: www.dreamstime.com]

[50]

SAMBA SESIGABA A:

50

SIGABA B: EMATHEKSTHI EMBHALOMBIKO**UMBUTO 2**

Khetsa KUBILI kulokulandzelako ubhale ngako ngemagama langabi ngaphasi kwala-100 aphindze angabi ngetulu kwala-120 itheksthi ngayinye.

2.1 INCWADZI LEHLELEKILE

Umadzabudzabu ngenca yetinja takamakhelwane letingakhungwa. Bhalela lihhovisi lendvuna/lekhansela yangakini ucele kutsi liywukhulumisa makhelwane ngalenkinga.

[25]

2.2 UMLANDVOMUFI

Thishelakati wakho lomtsandzako ushone ngemva kwekugula sikhashana. Umndeni ukucele kutsi ubhale umlandvomufi wakhe. Bhala lomlandvomufi lotawufundvwa ngalelo langa.

[25]

2.3 I-ATHIKHELI YELIPHEPHANDZABA

Kulahleka kwesimilo ebantfwaneni kuyawukhatsata kakhulu umoya webatali. Bhala i-Athikheli leya ephephandzabeni lapho usola khona lesimilo lesibi ebantfwaneni, ubuye uvete netinfo letinhle letilindzelekile kubo.

[25]

2.4 INKHULUMO LEHLELEKILE

Sikolo sakho sihlela umcimbi wekubonga bothishela ngekukhicita imiphumela lemhle yakamatekuletjeni. Umenyiwe kutsi utewetfula inkhulumo kulowo mcimbi. Bhala lenkhulumo lotawube uyetfula.

[25]

2.5 INKHULUMOLUHLOLO

Ufake sicelo sekubamba ematoho esitolo lesikhulu sangakini ngemaholide enyanga yeNgongoni. Ube nenhlanhla yekubitwa kutsi utewungenela inkhulumoluhlolo yalomsebenti. Bhala lenkhulumoluhlolo emkhatsini wakho nebaphatsi balesitolo lababili.

[25]

2.6 INCWADZI YEBUNGANI

Umngani wakho lomkhulu walile kukuboleka kwekwembatsa kwakalokusho nawugubha lusuku lwakho lwekutalwa. Mbhalele incwadzi umsole ngaloko.

[25]

**SAMBA SESIGABA B:
SAMBA SAKO KONKHE:**

**50
100**